

La sékirité routièrè  
Akoz sa mot mo ti en sékirité lor la route hier  
Akoz dan mo latet li ti apé voyaz voyazé kouman avion dan lèzère

Respecté kan ou pé marsé lor simin  
Marse dan kwin  
Pas marse vann vannin n'import kotsa kouman la fimin  
Sofère oussi kan lor volant pas fimin  
Pa ler pou pran ou portabpou get fim..hein ?  
Sé pa lère pou ou pran ou portab gagne kominikation, riyé, lizié fermin  
Sinon enn sel accident kapav nek amenn ou lavi ver enn fin

Motocyclis met ou helmet  
Protez ou latet  
Kan aswar met ou zilet réflexissant  
Pou lezot sofère kapav trouv ou ek anpess accidan  
Kar si ou pas respecté lalwa ou pou paye lamann  
Ou soit direkteman prizon  
Avan ou sorti testé si ou far, si ou flashere bon  
Guété si ou trompe bon  
Guété si ou retrovisère permète ou guet derrière  
Et kan ou pé rouler, évit guet bann ti mamzel lor simin  
Tansion ou al direkteman simitière

Enan dé fwa, boukou bann sofère massine 4 larou, roule pas met seintir  
Zoli zoli massinne, koussin en kwir  
Mé samem ki kapav met enn terme a zot lavi ek pa permet zot viv dan nou fitir

Kar accident ek lamor marse ensam lamin dan lamin  
Kan ou lor la route mazinin ki li, linn fini armin  
Ek moto ek massine ou pou gagne sarmin

Met ou seintir  
Kar se sel saint ki pou tir ou ver simin lamort  
Ek pou permet ou viv ankor

Ou bizin mazinin ki dan lakour ou enan ene fanmi  
Zot pé atane ou vini  
Mé landemin zot tane ou décès ler 7 hère edmi

Ala enn dou.. lère  
Dan zot lé... ker  
Zot p souffère

Ou madam assizé

Mazinin, ploré  
Zanfan larm pa oulé cesser  
Dan lizié pré pou enan la sesseresse  
Dan ou tonm ou dan tristesse  
Ou fanmi pé souffère sans cesse

Enn lot fanmi pé rod fer case  
Kan ounn mor, ou pas ine al toussel ou ine amene dimoun  
Ek ou kan ou ti pé far ou ta zes

Astère ou fanmi pé poz zot enn sel kes...tion  
Eski sa souffranss zot pou enan diges...tion  
Akoz ou bann zes...Ton  
Kot pou ou roul vite ti enn passtan

Mwan mo gagne ak...ci...dan mo lizié mo trouv dimounn tomber plisse plisser  
Mé accident so sel bi se fer ou mor ou swa blessé

Ou bizin kon protez ou kont tou incident  
Ainsi dan bann kitsoz ki ou pa inn programin me ki arriv ou mal...herezman  
Boukou inn gagne dimal...herezman zot pa inn mort et zot contan

La sékirité routièr  
Pas enn zoué  
Alors konn respecté  
Sinon, enn sel kou, ou lavi ek lavi ou fanmi kapav nek gaté.

Slammeur/Interprète/Mise en scène : Ismaël Collet